

醫統正脈全書

六十



R2-51
531-1

湯液本草下卷目錄

木部

桂 桂心肉桂
桂枝附

柏子仁 側柏葉

柏皮 槐實 槐花 蔓荊子

大腹子 酸棗 胡椒 川椒

吳茱萸 山茱萸 益智 厚樸

丁香 沉香 乳香 藿香

檀香 蘇合香 檳榔 梔子

黃蘗 枳實 枳殼 牡丹皮

地骨皮

猪苓

茯苓

茯神

烏藥

乾漆

皂莢

竹葉

竹茹

淡竹葉

茗苦茶

秦皮

桑白皮

梓白皮

紫葳

即凌霄化

訶黎勒

杜仲

琥珀

郁李仁

巴豆

芫花

蘇木

川練子

金鈴子

沒藥

梧桐淚

桑東南根

果部

大棗

生棗

陳皮

青皮

桃仁 杏仁 烏梅 木瓜

甘李根白皮

菜部

荆芥穗 生薑 乾薑 薄荷

蔥白 韭白 薤白 瓜蒂

冬葵子 蜀葵花 香薷 炊單布

米穀部

粳米 赤小豆 黑大豆 大麥蘖

小麥 神麴 酒 苦酒 一名醯

餽 即膠餽
香鼓

玉石部

石膏

滑石

礞硝

盆硝

即芒硝

硝石

玄明粉

硫黃

雄黃

赤石脂

禹餘糧

代赭石

鉛丹

硃砂

硃砂

東流水

甘瀾水

禽部

雞子黃

獸部

龍骨

麝香

牛黃

犀角

阿膠

猪膚

猪膽汁

獺肝

猥鼠糞

人尿

湯液本草卷下

江陰朱氏校刊本

元 趙州王好古類集

木部

桂 桂心肉桂桂枝附

氣熱 味甘苦 有小毒

入手少陽經

桂枝入足太陽經

本草云主温中利肝肺氣心腹寒熱冷疾霍亂轉筋頭
痛腰痛出汗止煩止唾欬鼻鼈能墮胎堅骨節通

血脈理疎不足宣導百藥無所畏久服神仙不老生
桂陽二月八月十月採皮陰乾有菌桂牡桂本桂筒
桂肉桂板桂桂心官桂之類用者罕有分別衍義所
言不知何緣而得官之名予考本草有出觀賓宜韶
欽諸州者佳世人以筆畫多而懶書之故只作官也
如寫黃蘗作黃栢薑作姜同意菌桂生交趾山谷牡
桂生南海山谷木桂生桂陽從嶺至海盡有桂樹惟
柳州象州最多本草所說菌桂牡桂板桂厚薄不同
大抵細薄者爲枝爲嫩厚脂者爲肉爲老處其身者

爲中也不必色黃爲桂心但不用皮與裏止用其身
中者爲桂心不經水而味薄者亦名柳桂易老用此
以治虛人使不生熱也衍義謂桂大熱素問謂辛甘
發散爲陽故張仲景桂枝湯治傷寒表虛皆須此藥
是專用辛甘之意也又云療寒以熱故知三種之桂
不取茵桂牡桂者蓋此二種性止溫而已不可以治
風寒之病獨有一字桂本經謂甘辛大熱正合素問
辛甘發散爲陽之說尤知茵桂牡桂不及也然本經
止言桂而仲景又言桂枝者蓋亦取其枝上皮也其

本身麤厚處亦不中用諸家之說但各執一已見終無證據今又謂之官桂不知何緣而立名慮後世以爲別物故於此書之又有桂心此則諸桂之心不若一字桂也別說交廣商人所販者及醫家見用惟陳藏器之說最是然茵桂厚實氣味厚重者宜入治臟及下焦藥輕薄者宜入治眼目發散藥本經以茵桂養精神以牡桂利關節仲景傷寒發汗用桂枝桂枝者桂條也非身榦也取其輕薄而能發散一種柳桂乃小嫩枝條也尤宜入上焦藥仲景湯液用桂枝發

表用肉桂補腎本乎天者親上本乎地者親下理之
自然性分之所不可移也一有差易爲效彌遠歲月
旣久習以成弊宜後世之不及古也桂心通神不可
言之至於諸桂數等皆大小老壯之不同觀作官也
本草所言有小毒亦從類化與黃芩黃連爲使小毒
何施與烏附爲使止是全得熱性若與有毒者同用
則小毒旣去大毒轉甚與人參麥門冬甘草同用能
調中益氣則可久服可知此藥能護榮氣而實衛氣
則在足太陽經也桂心入心則在手少陰也若指榮

字立說止是血藥故經言通血脈也若與巴豆礪砂
乾漆川山甲水蛭蚘蟲如此有毒之類同用則小毒
化爲大毒其類化可知矣湯液發汗用桂枝補腎用
肉桂小柴胡止云加桂何也藥象謂肉桂大辛補下
焦熱火不足治沉寒痼冷及治表虛自汗春夏二時
爲禁藥

珍云秋冬治下部腹痛非桂不能止也

心云桂枝氣味俱輕故能上行發散於表內寒則肉桂
補陽則柳桂桂辛熱散經寒引導陽氣若正氣虛者

以辛潤之散寒邪治奔豚

栝子仁

氣平 味甘辛 無毒

本草云主安五臟除風濕痺益氣血能長生令人潤澤
美顏色耳目聰明用之則潤腎之藥也

藥性論云栝子仁君惡菊花畏羊蹄草能治腰腎中冷
膀胱冷膿宿水興陽道益壽去頭風治百邪鬼魅主
小兒驚癇栝子仁古方十精丸用之

側栝葉

氣微温 味苦 無毒

本草云主吐血衄血及痢血崩中赤白輕身益氣令人耐寒暑

藥性論云側栢葉苦辛性澁治冷風歷節疼痛止尿血與酒相宜

栢皮

本草黑字栢皮主火灼爛瘡長毛髮

槐實

味苦酸鹹寒 無毒

珍云與桃仁治證同

藥性論云治大熱難產皮煮汁淋陰囊墜腫氣瘤又槐
白皮治口齒風疔

日華子云槐子治丈夫女人陰瘡濕痒催生吞七粒皮
治中風皮膚不仁喉痺洗五痔產門痒痛及湯火瘡
煎膏止痛長肉消癰腫

槐花

苦薄陰也

珍云涼大腸熱

別錄云槐花味苦無毒治五痔心痛眼赤殺腹臍蟲及
熱治皮膚風腸風瀉血赤白痢八月斷槐大枝使生
嫩葉煮汁釀酒療大風痠痺甚效槐耳主五痔心痛
女人陰中瘡痛景天爲之 槐膠主一切風化痰治
肝臟風筋脈抽掣急風口噤四肢不收頑痺或毒風
周身如蟲行或破傷風口眼偏斜腰膝強硬槐葉平
無毒煎湯洗小兒驚疳壯熱疥癬丁毒皮莖同用良

蔓荊子

氣清 味辛溫苦甘 陽中之陰 太陽經藥

象云治太陽經頭痛頭昏悶除目暗散風邪藥胃虛人
勿服恐生痰疾揀淨杵碎用

珍云涼諸經血止頭痛主目睛內痛

本草云惡烏頭石膏

大腹子

氣微溫 味辛無毒

本草云主冷熱氣攻心腹大腸壅毒痰膈醋心並以薑

鹽同煎時習謂是氣藥也

孫真人云先酒洗後大豆汁洗仲景用

日華子云下一切氣止霍亂通大小腸建脾開胃調中
酸棗

氣平 味酸 無毒

本草云主心腹寒熱邪結氣聚四肢酸疼濕痺煩心不
得眠臍上下痛血轉久泄虛汗煩渴補中益肝氣堅
筋骨助陰氣令人肥健久服安五臟輕身延年

胡洽治振悸不得眠人參白朮白茯苓甘草生薑酸棗
仁六物煮服

聖惠方膽虛不眠寒也酸棗仁炒香竹葉湯調服

濟衆方膽實多睡熱也酸棗仁生用末茶薑汁調服

胡椒

氣溫 味辛 無毒

本草云主下氣溫中去痰除臟腑中風冷向陽者爲胡椒向陰者爲萆澄茄胡椒多服損肺味辛辣力大於

漢椒

衍義云去胃中寒痰吐水食已卽吐甚驗過劑則走氣大腸寒滑亦用須各以他藥佐之

川椒

漢本草 卷下
氣熱温 味大辛 辛温大熱有毒

象云主邪氣温中除寒痺堅齒髮明目利五臟須炒去汗

心云主汗辛熱以潤心寒

本草云主邪氣欬逆温中逐骨節皮膚死肌寒濕痺痛
下氣除六腑寒冷傷寒温瘧大風汗不出心腹留飲
宿食腸癖下痢泄精女子字乳餘疾散風邪瘕結水
腫黃疸鬼疰蠱毒耐寒暑開腠理閉口者殺人惡枯
藁防葵畏雌黃

吳茱萸

氣熱 味辛苦 氣味俱厚陽中陰也

辛溫大熱 有小毒

入足太陰經少陰經厥陰經

象云食則令人口開目瞪寒邪所隔氣不得上下此病
不已令人寒中腹滿膨脹下利寒氣諸藥不可代也
洗去苦味日乾杵碎用

心云去胸中逆氣不宜多用辛熱恐損元氣

珍云溫中下氣溫胃

本草云主溫中下氣止痛欬逆寒熱除濕血痺逐風邪
開腠理去痰冷腹內絞痛諸冷實不消中惡心腹痛
逆氣利五臟入足太陰少陰厥陰震坤合見其色綠
仲景云吳茱萸湯當歸四逆湯大溫脾湯及脾胃藥皆
用此也

衍義云此物下氣最速腸虛人服之愈甚藜蘆爲之使
惡丹參消石白堊畏紫石英

山茱萸

氣平微溫 味酸 無毒

入足厥陰經少陰經

本草云主温中逐寒濕痺強陰益精通九竅止小便入足少陰厥陰

聖濟經云滑則氣脫澁劑所以收之山茱萸之澁以收其滑仲景八味丸用爲君主如何澁劑以通九竅

雷公云用之去核一斤取肉四兩緩火熬用能壯元氣秘精核能滑精故去之

珍云温肝

本經云止小便利以其味酸也觀八味丸用爲君主其

性味可知矣

藥性論亦云補腎添精

日華子亦云暖腰膝助水臟也

益智

氣熱 味大辛 辛溫無毒

主君相二火手足太陰經

足少陰經

本是脾經藥

象云治脾胃中受寒邪和中益氣治多唾當於補中藥

內兼用之勿多服去皮用

本草云主遺精虛漏小便遺瀝益氣安神補不足安三焦調諸氣夜多小便者取二十四枚碎之入鹽同煎服有神效

液云主君相二火手足太陰足少陰本是脾藥在集香丸則入肺在四君子湯則入脾在大鳳髓丹則入腎脾肺腎互有子母相關

厚樸

氣溫 味辛 陽中之陰 苦而辛 無毒

象云能治腹脹若虛弱雖腹脹皆斟酌用之寒脹是大熱藥中兼用結者散之神藥誤用脫人元氣切禁之紫色者佳去皮薑汁製微炒

珍云去腹脹厚腸胃

心云味厚陰也專去腹脹滿去邪氣

本草云主中風傷寒頭痛寒熱驚悸氣血痺死肌去三蟲温中益氣消痰下氣療霍亂及腹痛脹滿胃中冷逆胸中嘔不止泄痢淋露除驚去留熱心煩滿厚腸

胃

本經云治中風傷寒頭痛温中益氣消痰下氣厚腸胃
去腹脹滿果泄氣乎果益氣乎若與枳實大黃同用
則能泄實滿本經謂消痰下氣者是也若與橘皮蒼
朮同用則能除濕滿本經謂温中益氣者是也與解
利藥同用則治傷寒頭痛與痢藥同用則厚腸胃大
抵苦温用苦則泄用温則補

衍義云平胃散中用之最調中至今盛行既能温脾胃
又能走冷氣

海藏云加減隨證如五積散治療同

本草又云乾薑為使惡澤瀉寒水石硝石

丁香

氣溫 味辛 純陽 無毒

入手太陰經

足陽明經少陰經 足陽明胃 足少陰腎

象云溫脾胃止霍亂消疰瘕氣脹反胃腹內冷痛壯陽

暖腰膝殺酒毒

珍云去胃中之寒

本草云主溫脾胃止霍亂擁脹風毒諸腫牙齒疳蠶能

發諸香能療反胃腎氣奔豚氣陰痛壯陽暖腰膝消
疝癖除冷勞

液云與五味子廣茂同用亦治奔豚之氣能泄肺能補
胃大能療腎

沉香

氣微溫 陽也

本草云治風水毒腫去惡氣能調中壯陽暖腰膝破癥
癖冷風麻痺骨節不任濕風皮膚痒心腹痛氣痢止
轉筋吐瀉

東垣云能養諸氣上而至天下而至泉用為使最相宜

珍云補右命門

乳香

氣味微温 無毒

珍云定諸經之痛

藿香

氣微温 味甘辛 陽也甘苦純陽 無毒

入手足太陰經

脾肺

象云治風水去惡氣治脾胃吐逆霍亂心痛去枝梗用

葉

心云芳馨之氣助脾開胃止嘔

珍云補衛氣益胃進食

本草云主脾胃嘔逆療風水毒腫去惡氣療霍亂心痛
温中快氣酒口臭上焦壅煎湯漱口入手足太陰入
順氣烏藥則補肺入黃芪四君子湯則補脾

檀香

氣温 味辛熱 無毒

入手太陰經

足少陰經

通行陽明經

本草云主心腹痛霍亂中惡鬼氣殺蟲又云治腎氣諸痛腹痛消熱腫

東垣云能調氣而清香引芳香之物上行至極高之分最宜橙橘之屬佐以薑棗將以葛根豆蔻縮砂益智通行陽明之經在胃膈之上處咽嗑之中同爲理氣之藥

珍云主心腹霍亂中惡引胃氣上升進食

蘇合香丸

味甘温 無毒

本草云主辟惡殺鬼精物温瘧蠱毒癰瘡去三蟲除邪
令人無夢魘久服通神明輕身長年生中臺川谷

禹錫云按梁書云中天竺國出蘇合香是諸香汁煎之
非自然一物也

檳榔

氣温 味辛苦 味厚氣輕陰中陽也 純陽

無毒

象云治後重如神性如鐵石之沉重能墜諸藥至於下

極杵細用

心云苦以破滯辛以散邪專破滯氣下行

珍云破滯氣泄胃中至高之氣

本草云主消穀逐水除痰癖下三蟲去伏尸療寸白蟲

梔子

氣寒 味微苦 味苦性大寒味薄陰中陽也

無毒

入手太陰經

象云治心煩懊懣而不得眠心神顛倒欲絕血滯小便

不利杵細用

心云去心中客熱除煩燥與豉同用

珍云止渴去心懊懣煩躁

本草云主五內邪氣胃中熱氣面赤酒皸皸鼻白癩赤
癩瘡瘍療目熱赤痛胃心大小腸大熱心中煩悶胃
中熱氣

仲景用梔子治煩胃爲至高之分也故易老云輕浮而
象肺也色赤而象火故能瀉肺中之火本草不言吐

仲景用此爲吐藥梔子本非吐藥爲邪氣在上拒而不下故令上吐邪因得以出經曰其高者因而越之此之謂也或用梔子利小便實非利小便清肺也肺氣清而化膀胱爲津液之府小便得此氣化而出也本經謂治大小腸熱辛與庚合又與丙合又能泄戊其先入中州故也入手太陰梔子豉湯治煩躁煩者氣也躁者血也氣主肺血主腎故用梔子以治肺煩用香豉以治腎躁躁者懊懣不得眠也少氣虛滿者加甘草若嘔噦者加生薑橘皮下後腹滿而煩梔子

厚樸枳實湯下後身熱微煩梔子甘草乾薑湯梔子大而長者染色不堪入藥皮薄而圓七稜至九稜者名山梔子所謂越桃者是也

衍義云仲景治傷寒發汗吐下後虛煩不得眠若劇者必反覆顛倒心中懊懣以梔子豉湯治虛煩故不用大黃以有寒毒故也梔子雖寒無毒治胃中熱氣既亡血亡津液臟腑無潤養內生虛熱非此不可降又治心經留熱小便赤澁去皮山梔子火煨大黃連翹甘草炙等分末之水煎三錢七服之無不效

仲景傷寒論及古今諸名醫治發黃皆用梔子茵陳香
豉甘草四物等分作湯飲之又治大病起勞復皆用
梔子鼠矢等湯並利小便而愈其方極多不可悉載
用仁去心胷中熱用皮去肌表熱

黃蘗

氣寒 味苦 苦厚微辛陰中之陽降也

無毒

足太陽經引經藥

足少陰經之劑

象云治腎水膀胱不足諸痿厥脚膝無力於黃芪湯中少加用之使兩膝中氣力湧出痿卽去矣蜜炒此一味爲細末治口瘡如神癰瘻必用之藥

珍云瀉膀胱之熱利下竅

心云太陽經引經藥瀉膀胱經火補本經及腎不足苦寒安虻療下焦虛堅腎經曰苦以堅之

本草云主五臟腸胃中結熱黃疸腸痔止泄痢女子漏下赤白陰傷蝕瘡療驚氣在皮間肌膚熱赤起目熱赤痛口瘡久服通神

液云足少陰劑腎苦燥故腎停濕也梔子黃芩入肺黃
連入心黃蘗入腎燥濕所歸各從其類也活人書解
毒湯上下內外通治之惡乾漆

枳實

氣寒 味苦酸鹹 純陽 無毒

象云除寒熱破結實消痰癖治心下痞逆氣脇痛麩炒
用

心云潔古用去脾經積血故能去心下痞脾無積血則
心下不痞治心下痞散氣消宿食苦寒灸用破水積

以泄裏除風

珍云去胃中濕

本草云主大風在皮膚中如麻豆苦痒除寒熱結止痢
長肌肉利五臟益氣輕身除胃脇痰癖逐停水破結
實消脹滿心下急痞痛逆氣脇風痛安胃氣止澹泄
明目生河內川澤商州者佳益氣則佐之以人參乾
薑白朮破氣則佐之以大黃牽牛芒硝此本經所以
言益氣而復言消痞也非白朮不能去濕非枳實不
能除痞殼主高而實主下高者主氣下者主血主氣

者在胃膈主血者在心腹仲景治心下堅大如盤水
飲所作枳實白朮湯主之枳實七枚朮三兩水一斗
煎取三升分三服腹中軟卽消

衍義云枳殼枳實一物也小則性酷而速大則性詳而
緩故仲景治傷寒倉卒之病承氣湯中用枳實此其
意也皆服其疎通決泄破結實之義他方但導敗風
壅之氣可常服者故用枳殼故胃中痞有桔梗枳殼
湯心下痞有枳實白朮湯高低之分易老詳定爲的
也

枳殼

氣寒 味苦 苦而酸微寒 味薄氣厚陽也

陰中微陽 無毒

象云治脾胃痞塞泄肺氣麩炒用

心云利胃中氣勝濕化痰勿多用損胃中至高之氣

珍云破氣

本草云主風痒麻痺通利關節勞氣欬嗽背膊悶倦散

留結胃膈痰滯逐水消脹滿大腸風安胃止風痛

藥性論云枳殼使味苦辛治遍身風疹肌中如麻豆惡

滄海本草 卷一
九
痒殼高主皮毛胷膈之病實低主心胃之病其主治
大同小異

牡丹皮

氣寒 味苦辛 陰中微陽辛苦微寒 無毒

手厥陰經

足少陰經

象云治腸胃積血及衄血吐血必用之藥

珍云涼骨蒸

本草云主寒熱中風瘕瘕瘞驚癇邪氣除癥堅瘀血留

舍腸胃安五臟療癰瘡除時氣頭痛客熱五勞之氣
腰痛風噤癩疾

易老云治神志不足神不足者手少陰志不足者足少
陰故仲景八味丸用之牡丹乃天地之精羣花之首
葉爲陽發生花爲陰成實丹爲赤卽火故能瀉陰中
之火牡丹皮手厥陰足少陰治無汗骨蒸地骨皮足
少陰手少陽治有汗骨蒸也

地骨皮

氣寒 味苦 陰也大寒 無毒

足少陰經

手少陽經

象云解骨蒸肌熱主風濕痺消渴堅筋骨去骨用根皮
心云去肌熱及骨中之熱

珍云涼血涼骨

本草云主五內邪氣熱中消渴周痺風濕下胸脇氣客
熱頭痛補內傷大勞噓吸堅筋骨強陰利大小腸

藥性論云根皮細剉麩拌熟煑吞之主腎家風益精氣
衍義云枸杞當用梗皮地骨當用根皮枸杞子當用其

紅實實微寒皮寒根大寒

猪苓

氣平 味甘苦甘寒 甘苦而淡甘重於苦陽也

無毒

入足太陽經少陰經

足太陽膀胱
足少陰腎

象云除濕此諸淡滲藥大燥亡津液無濕證勿服去皮

用

心云苦以泄滯甘以助陽淡以利竅故能除濕利小便

珍云利小便

本草云主痲瘡解毒蠱疰不祥利水道能療妊娠淋又
治從脚上至腹腫小便不利仲景少陰渴者猪苓湯
入足太陽少陰

衍義云行水之功多久服必損腎氣昏人目果欲久服
者便宜詳審

茯苓

氣平 味淡 味甘而淡陽也 無毒

白者入手太陰經足太陽經少陽經

赤者入足太陰經手太陽經少陰經

象云止渴利小便除濕益燥和中益氣利腰臍間血爲
主治小便不通溺黃或赤而不利如小便利或數服
之則大損人目如汗多人服之損真氣天人壽醫云
赤瀉白補上古無此說去皮用

心云淡能利竅甘以助陽除濕之聖藥也味甘平補陽
益脾逐水濕滯所勝小便不利淡味滲泄陽也治水
緩脾生津導氣

珍云甘純陽滲泄止渴

本草云主胃脇逆氣憂悲驚邪恐悸心下結痛寒熱煩

海濱本草 卷下 三
滿欬逆口焦舌乾利小便止消渴好唾大腹淋瀝消
膈中痰水水腫淋結開胃腑調臟氣伐腎邪長陰益
氣力保神守中

液云入足少陰手足太陽色白者入辛壬癸赤者入丙
丁伐腎邪小便多能止之小便澁能利之與車前子
相似雖利小便而不走氣酒浸與光明硃砂同用能
祕真味甘平如何是利小便

茯神

陽也 味甘 無毒

珍云治風眩心虛非此不能安

藥性論云君主驚癇安神定志補虛之主心下急痛堅
滿人虛而小便不利者

烏藥

氣溫 味辛 無毒

入足陽明經少陰經

本草云主中惡心腹痛蠱毒疰忤鬼氣宿食不消天行
疫瘴膀胱腎間冷氣攻衝背脊婦人血氣小兒腹中
諸蟲又云去猫涎極妙烏藥葉及根嫩時採作茶片

本草綱目 卷下
炙礬煎服能補中益氣偏止小便滑數

乾漆

氣溫平 味辛 有毒

本草云主絕傷補中續筋骨填髓腦安五臟治五緩六急風寒濕痺療欬嗽消瘀血痞結腰痛女子疝瘕利小腸去虻蟲生漆去長蟲半夏爲之使畏雞子忌油

脂

皂莢

氣溫 味辛鹹 有小毒

引入厥陰經藥

本草云主風痺死肌邪氣風頭淚出利九竅療腹脹滿
消穀除欬嗽治囊縮婦人胞不落明目益精可爲沐
藥不入湯

日華子云通關節除濕風消痰殺勞蟲治骨蒸開胃破
堅瘕腹中痛能墮胎栢實爲之使惡麥門冬畏空青
人參苦參

仲景治欬逆上氣唾濁但坐不得卧皂莢丸主之杵末
一物蜜丸桐子大用棗湯服一丸日三夜一

活人書治陰毒正陽散內用皂莢引入厥陰也用之有

蜜炙酥炙燒灰之異等分依方

竹葉

氣平 味辛又苦大寒 辛平無毒

本草云主欬逆上氣溢筋急惡瘍殺小蟲除煩熱風瘧

喉痺嘔吐仲景竹葉湯用淡竹葉

心云除煩熱緩皮而益氣

珍云陰中微陽涼心經

竹茹

氣微寒 味苦

本草云主嘔噦溫氣寒熱吐血崩中盜筋

淡竹葉

氣寒 味辛平

本草云主胃中痰熱欬逆上氣

藥性論云淡竹葉主吐血熱毒風壓丹石藥毒止渴

日華子云淡竹及根消痰治熱狂煩悶中風失音不語

壯熱頭痛頭風並懷孕婦人頭旋倒地止驚悸溫疫

迷悶小兒驚癇天弔莖葉同用見局方本草今錄附

於此

茗苦茶

氣微寒 味苦甘 無毒

入手足厥陰經

液云臘茶是也清頭目利小便消熱渴下氣消食令人少睡中風昏慣多睡不醒宜用此入手足厥陰茗苦茶苦甘微寒無毒主瘦瘡利小便去痰熱渴治陰證湯藥內用此去格拒之寒及治伏陽大意相似茶苦經云苦以泄之其體下行如何是清頭目

秦皮

氣寒 味苦 無毒

液云主熱利下重下焦虛經云以苦堅之故用白頭翁黃蘗秦皮苦之劑也治風寒濕痺目中青翳白膜男子少精婦人帶下小兒驚癇宜作湯洗目俗呼爲白擗木取皮漬水浸出青藍色與紫草同用以增光暈尤佳大戟爲之使惡吳茱萸

桑白皮

氣寒 味苦酸 甘而辛 甘厚辛薄 無毒

入手太陰經

象云主傷中五勞羸瘦補虛益氣除肺氣止唾血熱渴

消水腫利水道

心云甘以固元氣辛以瀉肺氣之有餘

本草云治傷中五勞六極羸瘦崩中脉絕補虛益氣去
肺中水氣唾血熱渴水腫腹滿臘脹利水道去寸白
可縫金瘡出土者殺人續斷麻子桂心爲之使忌鐵

鉛

梓白皮

氣寒 味苦 無毒

本草云主熱去三蟲治目中疾生河內出谷今近道皆有之木似梧桐

紫葳 卽凌霄花

氣微寒 味酸 無毒

本草云主婦人產乳餘疾崩中癥瘕血閉寒熱羸瘦養胎莖葉味苦無毒主痿蹙益氣

日華子云根治熱風身痒遊風風疹治瘀血帶下花葉功用同又云凌霄花治酒皰熱毒風刺婦人血膈遊

風崩中帶下

衍義云木也紫葳花是也畏鹵鹹

訶黎勒

氣温 味苦 苦而酸性平 味厚陰也降也

苦重酸輕 無毒

象云主腹脹滿不下飲食消痰下氣通利津液破胃膈

結氣治久痢赤白腸風去核搗細用

心云經曰肺苦氣上逆急食苦以泄之以酸補之苦重

瀉氣酸輕不能補肺故嗽藥中不用俗名訶子隨風

子

本草云主冷氣心腹滿下食仲景治氣痢以訶黎勒十枚麩裹煨灰火中煨之令麩黃熟去核細研爲末和粥飲頓服

衍義云氣虛人亦宜緩緩煨熟少服此物能澁腸而又泄氣蓋其味苦澁故爾其子未熟時風飄墮者謂之隨風子

杜仲

味辛甘平溫 無毒 陽也降也

本草云主腰脊痛補中益精氣堅筋骨強志除陰下濕
痒小便餘瀝脚中酸疼不欲踐地久服輕身耐老惡

蛇脫皮立參

日華子云暖治腎勞腰脊攣入藥灸用

琥珀

氣平 味甘 陽也

珍云利小便清肺

本草云安五臟定魂魄消瘀血通五淋杵細用

藥性論云君治產後血疼痛

日華子云療蠱毒壯心明目磨腎止心痛癩邪破癥結
郁李仁

味苦辛 陰中之陽 辛苦陰也

珍云破血潤燥

本草云郁李仁主齒斷腫齩齒堅齒去白蟲

藥性論云根治齒痛宜結氣破積聚

日華子云根涼無毒治小兒發熱作湯浴風艸牙濃煎
含之

巴豆

氣溫 味辛 生溫熟寒 有大毒

本草云主傷寒溫瘧寒熱破癥瘕結聚堅積留飲痰癖
大腹水脹蕩滌五臟六腑開通閉塞利水穀道去惡
肉除鬼毒蠱疰邪物殺蟲魚療女子月閉爛胎金瘡
膿血不利丈夫陰癩殺斑貓毒健脾開胃

易老云斬關奪門之將大宜詳悉不可輕用

雷公云得火則良若急治爲水穀道路之劑去皮心膜
油生用若緩治爲消堅磨積之劑炒烟去令紫黑研
用可以通腸可以止泄世所不知也仲景治百病客

汗備急圓主之巴豆杏仁例及加減寒熱佐使五色
并餘例並見元戎

珍云去胃中寒濕

芫花

氣溫 味辛苦 有小毒

本草云主欬逆上氣喉鳴喘急咽腫短氣蠱毒鬼瘡癰

腫疔瘕殺蟲魚消胃中痰水喜

去聲

唾水腫五水在五

臟皮膚及腰痛下寒毒肉毒久服令人虛仲景治太
陽中風脇下痛下逆者可攻十棗湯主之

液云胡洽治痰癖飲癖加以大黃甘草五物同煎以相
反主之欲其大吐也治之大畧水者肺腎胃三經所
主有五臟六腑十二經之部分上而頭中而四肢下
而腰臍外而皮毛中而肌肉內而筋骨脉有尺寸之
殊浮沉之異不可輕瀉當知病在何經何臟誤用則
害深然大意泄濕內云五物者卽甘遂大戟芫花大
黃甘草也

蘇木

氣平 味甘鹹 甘而酸辛性平

甘勝於酸辛 陽中之陰也無毒

本草云主破血產後血脹悶欲死者排膿止痛消癰腫
瘀血婦人月水不調及血暈口噤

心云性平甘勝於酸辛去風與防風同用

珍云破死血

川棟子

氣寒 味苦平 有小毒

本草云治傷寒大熱煩躁殺三蟲疥瘍利小便杵細用
珍云入心主上下部腹痛

金鈴子

酸苦 陰中之陽

珍云心暴痛非此不能除卽川楝子也

沒藥

味苦平 無毒

本草云主破血止痛療金瘡杖瘡諸惡瘡痔漏卒下血
目中翳暈痛膚赤生波斯國似安息香其塊大小不
定黑色

梧桐淚

味鹹

珍云瘰癧非此不能除

本草云味鹹苦大寒無毒主大毒熱心腹煩滿水和服之取吐又主牛馬急黃黑汗水研三二兩灌之立差日華子云治風艸牙齒痛殺火毒并麪毒

海藥云主風疔鬻齒牙疼痛骨槽風勞能軟一切物多服令人吐也又爲金銀鐸藥

桑東南根

時習云根暖無毒研汁治小兒天弔驚癇客忤及傅鷲

口瘡大效

果部

大棗

氣溫 味甘 氣厚陽也 無毒

珍云味甘補經不足以緩陰血

液云主養脾氣補津液強志三年陳者核中仁主腹痛

惡氣卒疰忤治心懸經云助十二經脈治心腹邪氣

和百藥通九竅補不足氣生者多食令人腹脹注泄

蒸熟食補腸胃肥中益氣中滿者勿食甘甘者令人

中滿故大建中湯心下痞者減飴棗與甘草同例

生棗

味甘辛

多食令人多寒熱羸瘦者不可食葉覆麻黃能令出汗生河東平澤殺烏頭毒

陳皮

氣溫 味微苦 辛而苦 味厚陰也 無毒

象云能益氣加青皮減半去滯氣推陳致新若補脾胃不去白若理胃中肺氣須去白

心云導胃中滯氣除客氣有白朮則補脾胃無白朮則瀉脾胃然勿多用也

珍云益氣利肺有甘草則補肺無甘草則瀉肺

本草云主胃中痰熱逆氣利水穀下氣止嘔欬除膀胱留熱停水五淋利小便主脾不能消穀氣衝胃中吐逆霍亂止瀉去寸白蟲能除痰解酒毒海藏治酒毒葛根陳皮茯苓甘草生薑湯手太陰氣逆上而不下宜以此順之陳皮白檀爲之使其芳香之氣清奇之味可以奪橙也

青皮

氣溫 味辛 苦而辛性寒氣厚陰也

足厥陰經引經藥

又入手少陽經

象云主氣滯消食破積結膈氣去穰

心云厥陰經引經藥也有滯氣則破滯氣無滯氣則損
真氣

液云主氣滯下食破積結及膈氣或云與陳皮一種青
皮小而未成熟成熟而大者橘也色紅故名紅皮日

久者佳故名陳皮如枳實枳殼一種實小而青未穰
殼大而黃紫色已穰故殼高而治胸膈實低而治心
下與陳皮治高青皮治低同意又云陳皮青皮二種
枳實枳殼亦有二種

桃仁

氣溫 味苦甘性平 苦重於甘陰中陽也

無毒

入手足厥陰經

象云治大便秘血結血祕血燥通潤大便七宣丸中專治

血結破血以湯浸去皮尖研如泥用

心云苦以泄滯血甘以生新血故凝血須用又去血中之熱

本草云主瘀血血閉癥瘕邪氣殺小蟲止欬逆上氣消
心下堅除卒暴擊血通月水止痛破血入手足厥陰
衍義云老人虛祕與栢子仁大麻仁松子仁等分同研
鎔白蠟和丸如桐子大以少黃丹湯下仲景治中焦
畜血用之

杏仁

杏仁 氣温 味甘苦冷利 有小毒

入手太陰經

象云除肺燥治風燥在胃膈間麩炒去皮尖用

心云散結潤燥散肺之風及熱是以風熱嗽者用之

本草云主欬逆上氣雷鳴喉痺下氣產乳金瘡寒心賁

豚驚癇心下煩熱風氣往來時行頭痛解肌消心下

急殺狗毒破氣入手太陰王朝奉治傷寒氣上喘衝

逆者麻黃湯內加杏仁陳皮若氣不喘衝逆者減杏

仁陳皮知其能瀉肺也

東垣云杏仁下喘用治氣也桃仁療狂用治血也桃杏仁俱治大便秘當以氣血分之晝則難便行陽氣也夜則難便行陰血也大腸雖屬庚爲白腸以晝夜言之氣血不可不分也年虛人大便秘不可過泄者脉浮在氣杏仁陳皮脉沉在血桃仁陳皮所以俱用陳皮者以其手陽明病與手太陰俱爲表裏也賁門上主往來魄門下主收閉故王氏言肺與大腸爲通道也

烏梅

氣平 味酸 酸溫陽也 無毒

象云主下氣除熱煩滿安心調中治痢止渴以鹽爲白
梅亦入除痰藥去核用

心云收肺氣

本草云主肢體痛偏枯不仁死肌去青黑痣惡疾止下
痢好唾口乾去骨間熱又方治一切惡瘡肉出以烏
梅燒爲灰杵末傅上惡肉立盡仲景治吐虵下痢烏
梅丸

木瓜

氣溫 味酸

入手足太陰經

本草云治脚氣濕痺邪氣霍亂大吐下轉筋不止益肺而去濕和胃而滋脾

衍義云木瓜得木之正故入筋以鉛白霜塗之則失酸味受金制也此物入肝故益筋與血病腰腎脚膝無力此物不可缺也

東垣云氣脫則能收氣滯則能和

雷公云調榮衛助穀氣是也

甘李根白皮

時習云根皮大寒主消渴止心煩氣逆奔豚仲景奔豚湯中用之

菜部

荊芥穗

氣溫 味辛苦

本草云辟邪毒利血脉通宣五臟不足氣能發汗除勞渴杵和醋封毒腫去枝梗手搓碎用治產後血暈如神動渴疾多食薰五臟神破結氣

生薑

氣溫 味辛 辛而甘微溫 氣味俱輕陽也

無毒

象云主傷寒頭痛鼻塞欬逆上氣止嘔吐治痰嗽生與
乾同治與半夏等分治心下急痛鋪細用

心云能制半夏厚樸之毒發散風寒益元氣大棗同用
辛溫與芍藥同用溫經散寒嘔家之聖藥也辛以散
之嘔爲氣不散也此藥能行陽而散氣

珍云益脾胃散風寒久服去臭氣通神明

孫真人云爲嘔家之聖藥

或問東垣曰生薑辛溫入肺如何是入胃口曰俗皆以
心下爲胃口者非也咽門之下受有形之物係胃之
系更爲胃口與肺同處故入肺而開胃口也又問曰
人云夜間勿食生薑食則令人閉氣何也曰生薑辛
溫主開發夜則氣本收斂反食之開發其氣則違天
道是以不宜食此以平人論之可也若有病則不然
薑屑比之乾薑不熱比之生薑不潤以乾生薑代乾
薑者以其不僭故也

本草云秦椒爲之使殺半夏葺岩毒惡黃芩黃連天

糞

乾薑

氣熱 味大辛 辛大熱 味薄氣厚陽中之陰

也 辛溫無毒

象云治沉寒痼冷腎中無陽脈氣欲絕黑附子爲引用
水煎二物名薑附湯亦治中焦有寒水洗慢火炮

心云發散寒邪如多用則耗散元氣辛以散之是壯火
食氣故也須以生甘草緩之辛熱散裏寒散陰寒肺

寒與五味同用治嗽以勝寒此正氣虛者散寒與人參同補藥溫胃腹中寒其平以辛熱

珍云寒淫所勝以辛散之經炮則味苦

本草云主胃滿欬逆上氣溫中止血出汗逐風濕痺腸澼下利寒冷腹痛中惡霍亂脹滿風邪諸毒皮膚間結氣止唾血生者尤良主胃滿溫脾燥胃所以理中其實主氣而泄脾

易老云乾薑能補下焦去寒故四逆湯用之乾薑本味辛及見火候稍苦故止而不移所以能治裏寒非若

附子行而不止也理中湯用此者以其四順也

或云乾薑味辛熱人言補脾今言泄而不言補者何也
東垣謂泄之一字非泄脾之正氣也是泄脾中寒濕
之邪故以薑辛熱之劑燥之故曰泄脾也

薄荷

氣溫 味辛苦 辛涼 無毒

手太陰經厥陰經藥

象云能發汗通骨節解勞乏與薤相宜新病瘥人勿多
食令虛汗出不止去枝梗搓碎用

心云上行之藥

陳士良云能引諸藥入榮衛又生風氣壅併

蔥白

氣溫 味辛 無毒

入手太陰經

足陽明經

液云以通上下之陽也活人書傷寒頭痛如破連鬚蔥

白湯主之

心云通陽氣辛而甘氣厚味薄陽也發散風邪

本草云蔥實主明目補中不足其莖白平可作湯主傷寒寒熱出汗中風面目腫傷寒骨肉痛喉痺不通安胎歸目除肝邪氣安中利五臟益目精殺百藥毒蔥根主傷寒頭痛蔥汁平溫主溺血解黎蘆毒

韭白

氣溫 味辛微酸 無毒

本草云歸心安五臟除胃中熱利病人可久養子主夢泄精溺白根養髮陰中變爲陽

薤白

氣溫 味苦辛 無毒

入手陽明經

本草云主金瘡瘡敗輕身不饑耐老除寒熱去水氣溫
中散結利病人諸瘡中風寒水腫以此陰之下重者
氣滯也四逆散加此以泄氣滯

心云治泄痢下重下焦氣滯泄滯氣

瓜蒂

氣寒 味苦 有毒

本草云治大水身面四肢浮腫下水殺蠱毒欬逆上氣

及食諸果病在胃腹中者皆吐下之去鼻中息肉療
黃疸鼻中出黃水除偏頭痛有神頭目有濕宜此瓜
蒂苦以治胃中寒與白虎同例俱見知母條下與麝
香細辛同爲使治久不聞香臭仲景鈐方瓜蒂一十
四箇丁香一箇黍米四十九粒爲末含水搗一字取
下

冬葵子

氣寒 味甘 無毒

本草云主五臟六腑寒熱羸瘦五癰利小便療婦人乳

難內閉久服堅筋骨長肌肉輕身

衍義云性滑利不益人患癰瘡毒熱內攻未出膿者水吞三五粒遂作竅膿出

蜀葵花

冷陰中之陽

珍云赤者治赤帶白者治白帶赤治血燥白治氣燥

香薷

味辛微温

本草云主霍亂腹痛吐下散水腫

炊單布

江陰朱氏校刊本

液云仲景治墜馬及一切筋骨損方中用時習補入

米穀部

粳米

氣微寒 味甘苦 甘平無毒

入手太陰經少陰經

液云主益氣止煩止渴止泄與熟雞頭相合作粥食之
可以益精強志耳目聰明本草諸家共言益脾胃如
何白虎湯用之入肺以其陽明爲胃之經色爲西方

之白故入肺也然治陽明之經卽在胃也色白味甘
寒入手太陰又少陰證桃花湯用此甘以補正氣竹
葉石膏湯用此甘以益不足

衍義云平和五臟補益胃氣其功莫逮然稍生則復不
益脾過熟則佳

赤小豆

氣溫 味辛甘酸 陰中之陽 無毒

本草云主下水排膿寒熱熱中消渴止泄利小便吐逆
卒澀下脹滿又治水腫通建脾胃赤小豆食之行小

便久食則虛人令人黑瘦枯燥赤小豆花治宿酒渴
病卽腐婢也花有腐氣故以名之與葛花末服方寸
匕飲酒不知醉氣味平辛大豆黃卷是以生豆爲藥
待其芽出便曝乾用方書名黃芩皮產婦藥中用之
性平

黑大豆

氣平 味甘

本草云塗癰腫煮汁飲殺鬼毒止痛解烏頭毒除胃中
熱痺傷中淋露逐水脹下瘀血久服令人身重炒令

黑烟未斷熱投酒中治風痺癱瘓口噤產後諸風食
罷生服半搗去心胷煩熱明目鎮心不忘惡五參龍
膽得前胡烏喙杏仁牡蠣良

大麥蘗

氣溫 味甘鹹 無毒

象云補脾胃虛寬腸胃先杵細炒黃取麩用

本草云能消化宿食破癥結冷氣去心腹脹滿開胃止
霍亂除煩去痰治產後祕結鼓脹不通大麥蘗弁神
麩二藥氣虛人宜服以代戊己腐熟水穀與豆蔻縮

砂木瓜芍藥五味子烏梅爲之使

小麥

氣微寒 味甘 無毒

本草云除熱止燥渴咽乾利小便養肝氣止漏血唾血
青蒿散有小麥百粒治大人小兒骨蒸肌熱婦人勞

熱

神麴

氣暖 味甘

入足陽明經

海濱本草 卷下 五
象云消食治脾胃食不化須於脾胃藥中少加之微炒

黃用

珍云益胃氣

本草云療臟腑中風氣調中下氣開胃消宿食主霍亂
心膈氣痰逆除煩破癥結及補虛去冷氣除腸胃中
塞不下食令人好顏色落胎下鬼胎又能治小兒腹
墜大如盤胷中滿胎動不安或腰痛搶心下血不止
火炒以助天五之氣入足陽明

酒

氣大熱 味苦甘辛 有毒

本草云主行藥勢殺百邪惡毒氣能行諸經不止與附
子相同味辛者能散味苦者能下味甘者居中而緩
也爲導引可以通行一身之表至極高之分若味淡
者則利小便而速下大海或凝惟酒不冰三人晨行
遇大寒一人食粥者病一人腹空者死一人飲酒者
安則知其大熱也

苦酒

一名醋
一名醯

氣溫 味酸 無毒

液云歛咽瘡主消癰腫散水氣殺邪毒余初錄本草苦
 酒條本經一名醯又一名苦酒如爲一物也及讀金
 匱治黃疸有水黃醇酒湯右以美清酒五升煮二升
 苦酒也前治黃汗有黃芪芍藥桂枝苦酒湯

飴
卽膠飴

氣溫 味甘 無毒

入足太陰經藥

液云補虛乏止渴去血以其色紫凝如深琥珀色謂之
 膠飴色白而枯者非膠飴卽飴糖也不入藥用中滿

不宜用嘔家切忌爲足太陰經藥仲景謂嘔家不可
用建中湯以甘故也

香豉

氣寒 味苦 陰也無毒

象云治傷寒頭痛煩躁滿悶生用

珍云去心中懊懣

本草云主傷寒頭痛寒熱傷寒初覺頭痛內熱脉洪起
一二日便作此加減蔥豉湯蔥白一虎口豉一升綿
裹以水三升煎取一升頓服取汁若不汗加葛根三

兩水五升煮二升分二服又不汗加麻黃三兩去節

玉石部

石膏

氣寒 味甘辛微寒大寒 無毒

入手太陰經少陽經

足陽明經

象云治足陽明經中熱發熱惡熱燥熱日晡潮熱自汗
小便滑赤大渴引飲肌肉壯熱苦頭痛之藥白虎湯
是也善治本經頭痛若無餘証勿用

心云細理白澤者良甘寒胃經大寒藥潤肺除熱發散
陰邪緩脾益氣

珍云辛甘陰中之陽止陽明經頭痛胃弱不可服下牙
痛須用香白芷

本草云主中風寒熱心下逆氣驚喘口乾舌焦不能息
腹中堅痛除邪鬼產乳金瘡除時氣頭痛身熱三焦
大熱皮膚熱腸胃中膈氣解肌發汗止消渴煩逆腹
脹暴氣喘息咽熱亦可作浴湯

太上云石膏發汗辛寒入手太陰也

東垣云微寒足陽明也又治三焦皮膚大熱手少陽也
仲景治傷寒陽明証身熱目痛鼻乾不得卧身已前
胃之經也胃胃肺之室邪在陽明肺受火制故用辛
寒以清肺所以號爲白虎湯也雞子爲之使惡莽草

馬曰毒公

藥性論云石膏使惡巴豆唐本註療風去熱解肌

滑石

氣寒 味甘大寒 無毒

入足太陽經

象云治前陰不利性沉重能泄上氣令下行故曰滑則利竅不可與淡滲同用白者佳杵細水飛用

本草云主身熱洩瀉女子乳難癰閉利小便蕩腸胃積聚寒熱益精氣通九竅六腑津液去留結止渴令人利中入足太陽滑能利竅以通水道爲至燥之劑猪苓湯用滑石與阿膠同爲滑利以利水道蔥豉生薑同煎去粗澄清以解利淡味滲泄爲陽解表利小便也若小便自利不宜以此解之

衍義云暴吐逆不下食以生細末二錢七溫水調服後

以熱麪壓之

礞石

氣寒 味辛苦

象云除寒熱邪氣逐六腑積聚結痼血癖胃中食飲熱

結去血閉停痰痞滿消毒揉細生用

盆硝

即芒硝

氣寒 味鹹

心云去實熱經云熱淫于內治以鹹寒此之謂也

珍云純陰熱淫于內治以鹹寒

本草云主五臟積聚久熱胃閉除邪氣破留血腹中痰
實結轉通經脈及月水破五淋消腫毒療天行熱病
藥性論云使味鹹有小毒通月閉癥瘕下瘰癧黃疸主
漆瘡散惡血

聖惠方治伐指用芒硝煎湯淋漬之愈

硝石

氣寒 味甘辛 作苦辛大寒無毒又云鹹又云
甜甜微緩於鹹

液云硝石者硝之總名也但不經火者謂之生硝礞硝

經火者謂之益硝芒硝古人用辛今人用鹹辛能潤燥鹹能軟堅其意皆是老弱虛人可下者宜用若用此者以玄明粉代尤佳本經謂利小便而墮胎傷寒妊娠可下者用此兼以大黃引之直入大腸潤燥軟堅瀉熱子母俱安經云有故無殞殞亦無殞也此之謂歟以在下言之則便溺俱陰以前後言之則前氣後血以腎言之總主大小便難溺澀祕結俱爲水少經云熱淫於內治以鹹寒佐以苦故用芒硝大黃相須爲使也

玄明粉

氣冷 味辛甘 無毒

液云治心熱煩躁五臟宿滯癥瘕明目遂膈上虛熱消
腫毒註中有治陰毒一句非伏陽不可用若止用此
除陰毒殺人甚速牙硝條下太清鍊靈砂輔注謂陰
極之精能化火石之毒

仙經云陰中有陽之物

硫黃

氣溫大熱 味酸 有毒

本草云主婦人陰蝕疽痔惡血堅筋骨除頭瘡療心腹積聚邪氣冷癖在脇欬逆上氣脚冷疼弱無力及鼻衄惡瘡下部蠶瘡止血殺疥蟲

液云如太白丹佐以硝石來復丹用硝石之類至陽佐以至陰與仲景白通湯佐以人溺猪膽汁大意相同所以去格拒之寒兼有伏陽不得不爾如無伏陽只是陰證更不必以陰藥佐之也硫黃亦號將軍功能破邪歸正返滯還清挺出陽精消陰化魄生魂

雄黃

氣溫寒 味苦甘 有毒

本草云主寒熱鼠瘦惡瘡疽痔死肌療疥蟲墮瘡目痛
鼻中息肉及絕筋破骨百節中大風積聚癖氣中惡
腹痛鬼疰

赤石脂

氣大溫 味甘酸辛 無毒

本草云主養心氣明目益精療腹痛泄癖下利赤白小
便利及癰疽瘡痔女子崩中漏下產難胞衣不出久
服補髓好顏色益志不饑輕身延年五色石脂各入

五臟補益

東垣云赤石脂白石脂並溫無毒畏黃芩芫花惡大黃
本經云澁可去脫石脂爲並溫無毒畏黃芩芫花惡大
以下之赤入丙白入庚

珍云赤白石脂俱甘酸陽中之陰固脫

心云甘溫篩末用去脫澁以固腸胃

局方本草云青石脂養肝膽氣明目黑石脂養腎氣強
陰主陰蝕瘡黃石脂養脾氣除黃疸餘與赤白同功

禹餘糧

氣寒 味甘 無毒

本草云主欬逆寒熱煩滿下痢赤白血閉癥瘕大熱
本草云重可去怯禹餘糧之重爲鎮固之劑

本草註云仲景治傷寒下痢不止心下痞硬利在下焦
者赤石脂禹餘糧湯主之赤石脂禹餘糧各一斤並
碎之以水六升煎取二升去粗分二服

雷公云看如石輕敲便碎可如粉也兼重重如葉子雌
黃此能益脾安胃

代赭石

氣寒 味甘苦 無毒一名須丸出姑幕者名須
丸出代都者名代赭

入手少陰經

足厥陰經

本草云主鬼疰賊風蠱毒殺精物惡鬼腹中毒邪氣女子赤沃漏下帶下百病產難胞衣不出墮胎養血除五臟血脈中熱血痺血瘀大人小兒驚氣入腹及陰痿不起

聖濟經云怯則氣浮重則所以鎮之怯者亦驚也

鉛丹

氣微寒 味辛黃丹也

本草云主吐逆反胃驚癇癩疾除熱下氣止小便利除
毒熱筋攣金瘡溢血又云鎮心安神止吐血

本草云澁可去脫而固氣

成無已云鉛丹收斂神氣以鎮驚也

藥性論云君治消渴煎膏止痛生肌

白粉

本草云一名胡粉一名定粉一名瓦粉仲景猪膚湯用

白粉非此白粉卽白米粉也黃延非治胃中寒是治
胃中塞誤寫作寒字

藥性論云胡粉使又名定粉味甘辛無毒能治積聚不
消焦炒止小兒疳痢

陳藏器云主久痢成疳粉和水及雞子白服以糞黑爲
度爲其殺蟲而止痢也

紫石英

氣溫 味甘辛 無毒

入手少陰經

足厥陰經

本草云主心腹欬逆邪氣補不足女子風寒在子宮絕
孕十年無子療上氣心腹痛寒熱邪氣結氣補心氣
不足定驚悸安魂魄填下焦止消渴除胃中久寒散
癰腫令人悅澤久服溫中輕身延年得茯苓人參芍
藥共療心中結氣得天雄菖蒲共療霍亂長石爲之
使畏扁青附子不欲鮑甲黃連麥蘗薑

衍義云仲景治風熱瘕瘕風引湯紫石英白石英寒水
石石膏乾薑大黃龍齒牡蠣甘草滑石等分右呔咀

以水一升煎去三分食後量多少温呷之不用查立效

伏龍肝

氣温 味辛

時習云主婦人崩中吐血止欬逆止血消癰腫

衍義云婦人惡露不止蠶沙一兩炒伏龍肝半兩阿膠一兩同爲末温酒調空心服三二錢以止爲度

藥性論云單用亦可鹹無毒

日華子云熱微毒治鼻洪腸風帶下血崩泄精尿血催

生下胞衣小兒夜啼一云治心痛及中風心煩
陶隱居云此竈中對釜月下黃土也

白礬

氣寒 味酸 無毒

本草云主寒熱泄瀉下痢白沃陰蝕惡瘡消痰止渴除
痼熱治咽喉閉目痛堅骨齒

藥性論云使有小毒生含嚙津治急喉痺

硃砂

味甘

珍云心熱者非此不能除

局方本草云丹硃味甘微寒無毒養精神安魂魄益氣
明目通血脉止煩渴

藥性論云君有大毒鎮心抽風

日華子云涼微毒潤心肺惡磁石畏鹹水

硃砂

味鹹

本草云破堅癖獨不用入羣隊用之味鹹苦辛溫有毒
不宜多服主積聚破結血爛胎止痛下氣療欬嗽宿

冷去惡肉生好肌柔金銀可爲鐸藥

藥性論云有大毒畏漿水忌羊血味酸能腐壞人腸胃
生食之化人心爲血能除冷病大益陽事

日華子云北庭砂味辛酸暖無毒畏一切酸補水臟暖
子宮消冷癖瘀血宿食氣塊疝癖及婦人血氣心痛
血崩帶下凡修製用黃丹石灰作置煨赤使用無毒
柔金銀驢馬藥亦用

東流水

味甘 無毒

湯液本草 卷下 三
時習云千里水及東流水主病後虛弱揚之萬過煮藥
收禁神效二者皆堪蕩滌邪穢此水潔淨誠與諸水
不同爲雲母所謂鍊雲母粉用之

甘爛水

時習云揚之水上成珠者是也治霍亂及入膀胱治奔
豚藥用之殊勝

禽部

雞子黃

氣溫 味甘

本草云陰不足補之以血若咽有瘡雞子一樣云黃苦
酒傾殼中以半夏入苦酒中取殼置刀環上熬微沸
去查旋旋呷之又主除熱火瘡癩瘻可作琥珀神物
黃和恒山末爲丸竹葉湯服治久瘧不差黃合鬚髮
煎消爲水療小兒驚熱下痢

獸部

龍骨

氣平微寒 味甘陽也 無毒

本草云主心腹鬼疰精物老魅欬逆泄痢膿血女子漏

下癥瘕堅結小兒熱氣驚癇療心腹煩滿四肢痿枯
汗出夜卧自驚恚怒伏氣在心下不得喘息腸癰內
疸陰蝕止汗縮小便溺血養精神定魂魄安五臟

本經云澁可去脫而固氣

成無已云龍骨牡蠣鉛丹皆收斂神氣以鎮驚凡用燒

通赤爲粉畏石膏

珍云固大腸脫

麝香

氣溫 味辛 無毒

本草云主癰惡氣殺鬼精物療温瘧蠱毒癰瘡去三尸
蟲療諸凶邪鬼氣中惡心腹暴痛脹急痞滿風毒婦
人產難墮胎

牛黃

氣平 味苦 有小毒

本草云主驚癰寒熱熱盛狂瘵逐鬼除邪療小兒百病
諸癰熱口噤不開大人癲狂又墮胎久服令人不忘
又云磨指甲上黃者爲眞又云定魂魄人參爲使得
牡丹菖蒲利耳目惡龍骨龍膽地黃畏生漆

犀角

氣寒 味苦酸鹹微寒 無毒

象云治傷寒溫疫頭痛安心神止煩亂明目鎮驚治中風失音小兒麩豆風熱驚癇鎊用

本草云主百毒蠱疰邪鬼瘴氣殺鉤吻鳩羽蛇毒除邪不迷惑魘寐療傷寒溫疫頭痛寒熱諸毒氣能治一切瘡腫破血

液云升麻代犀角說並見升麻條下易老療畜血分三部上焦畜血犀角地黃湯中焦畜血桃仁承氣湯下

焦畜血抵當湯丸丸但緩於湯耳三法的當後之用者無以復加

阿膠

氣微温 味甘辛 無毒 甘辛平

味薄氣厚升也陽也

入手太陰經

足少陰經厥陰經

象云主心腹痛內崩補虛安胎堅筋骨和血脉益氣止

痢炮用

心云補肺金氣不足除不足甘溫補血出東阿得火良
本草云主心腹內崩勞極洒洒如瘧狀腰腹痛四肢酸
痛女子下血安胎丈夫小腹痛虛勞羸瘦陰氣不足
脚酸不能久立養肝氣益肺氣肺虛極損欬唾膿
血非阿膠不補仲景猪苓湯用阿膠滑以利水道活
人書四物湯加減例妊娠下血者加阿膠

猪膚

氣寒 味甘

入足少陰經

液云猪皮味甘寒猪水畜也其氣先入腎解少陰客熱
是以猪膚解之加白蜜以潤燥除煩白粉以益氣斷
痢

猪膽汁

氣寒 味苦鹹苦寒

液云仲景白通湯加此汁與人尿鹹寒同與熱劑合去
格拒之寒又與醋相合內穀道中酸苦益陰以潤燥
瀉便

本經云治蕩寒熱渴又曰猪蹄可用雜青色者不可食

療疾亦不可

心云與人尿同體補肝而和陰引置陽不被格拒能入

心而通脉

獺肝

味甘 有毒

本草云主鬼疰蠱毒却魚鼈止久嗽燒灰服之

獾鼠糞

治傷寒勞復經言牡鼠糞兩頭尖者是或在人家諸物

中遺者

人尿

時習云療寒熱頭疼溫氣童男子者尤良

衍義云人尿須用童男者產後溫一杯壓下敗血惡物
久服令人反虛氣血無熱尤不可多服此亦性寒故
治熱勞方中亦用也

日華子云小便涼止勞渴嗽潤心肺療血悶熱狂撲損
瘀血暈絕及蛇犬等咬以熱尿淋患處難產胞衣不
下卽取一升用薑葱煎乘熱飲卽下

蟲部

牡蠣

氣微寒 味鹹平 無毒

入足少陰經

象云治傷寒寒熱温瘧女子帶下赤白止汗止心痛氣

結澁大小腸治心脇痞燒白杵細用

珍云能軟積氣之痞經曰鹹能軟堅

心云鹹平熬泄水氣

本草云主傷寒寒熱温瘧洒洒驚恚怒氣除拘緩鼠瘦

女子帶下赤白除留熱在關節榮衛虛熱往來不定

煩滿止汗心痛氣結止渴除老血澁大小腸止大小
便療泄精喉痺欬嗽心脇下痞熱能去癰瘰一切瘡
腫入足少陰鹹爲軟堅之劑以柴胡引之故能去脇
下之硬以茶引之能消結核以大黃引之能除股間
腫地黃爲之使能益精收澁止小便本腎經之藥也
久服強骨節殺邪鬼延年貝母爲之使得甘草牛膝
遠志蛇床子良惡麻黃吳茱萸辛荑

藥性論云君主之劑治女子崩中止血及盜汗除風熱
定痛治溫瘧又和杜仲服止盜汗爲末蜜丸服三十

丸令人面光白永不值時氣又治鬼交精出病人虛
而多熱如用之并地黃小草

陳士良云牡蠣搗粉粉身治大人小兒盜汗和麻黃根
蛇床子乾薑爲粉粉身去陰汗衍義意同

文蛤

氣平

味鹹

無毒

本草云主惡瘡蝕五痔欬逆胸痺腰痛脇急鼠瘦大孔
出血崩中漏下能利水治急疔蝕口鼻數日盡欲死
燒灰臘猪脂和塗之墜痰軟堅止渴收澁固濟蛤粉

也鹹能走腎可以勝水文蛤尖而有紫班

蚩蟲

氣微寒

味苦平

有毒

本草云主目中赤痛眦傷淚出瘀血血閉寒熱酸慚無

子炒去翅足

水蛭

一名馬蟻

氣微寒

味鹹苦平

有毒

本草云主逐惡血瘀血目閉破血瘕積聚無子利水道
墮胎炒用畏鹽苦走血鹹勝血仲景抵當湯川蚩蟲

水蛭鹹苦以泄畜血故經云有故無殞也雖可用之
亦不甚安莫若四物湯加酒浸大黃各半下之極妙
麤蟲

味鹹寒

有毒

本草云主心復寒熱洒洒血積癥瘕破堅下血閉生子
大良仲景主治久癥積結有大黃麤蟲丸

衍義云乳汁不行研一枚水半合瀘清汁服勿令服藥
人知之

鼠婦

氣溫微寒 味酸 無毒

本草云主氣癰不得小便婦人月水閉血癥癰瘕寒熱
利水道仲景治久瘡大驚甲丸中使之以其主寒熱
也

衍義云鼠婦濕生蟲也

蜘蛛

微寒

本草云主大人小兒癩疔七月七日取其網療喜忘仲
景治雜病狐疝偏有大小時時上下者蜘蛛一十四

海狗本草 卷下 三
箇熬焦桂半兩研細爲散八分已酒調服日再蜜丸

亦通

蟾蜍

微寒微温 味鹹 有毒

本草云主惡血血瘀痺氣破折血在脇下堅滿痛月閉
目中淫膚青腎白膜吐血在胃中不去及破骨踈折
血結金瘡血塞產後中寒下乳汁仲景治雜病方大
黃廬蟲丸中用之以其主脇下堅滿也續傳信方治
喉痺取蟲汁點在喉中下卽喉開也時習補入

蜜

氣平微温 味甘 無毒

本草云主心腹邪氣諸驚癇瘥安五臟諸不足益氣補
中止痛解毒除眾病和百藥養脾氣除心煩飲食不
下止腸澼饑中疼痛口瘡明耳目

液云凡鍊蜜必須用火熬開以紙覆經宿紙上去蠟盡
再熬色變不可過度令熟入藥

蜚蠊

氣寒 味酸 有毒

本草云治小兒驚風癩瘕腹脹寒熱大人癩疾狂易手足端寒支滿奔豚

日華子云墮胎治疰忤和乾薑傳惡瘡出箭頭

圖經云心主丁瘡

衍義云大小二種一種大者爲胡蠅身黑光腹翼下有小黃子附母飛行晝不出夜方飛至人家戶庭中見燈光則來一種小者身黑暗晝方飛出夜不出今當用胡蠅以其小者研三十枚以水灌牛馬腸結

佳

鱉甲

氣平 味鹹 無毒

本草云主心腹癥瘕堅積寒熱去鼻間瘰肉陰蝕痔惡肉療溫瘧血癥腰痛小兒脇下堅

衍義云治勞瘦除骨熱極佳

蛇蛻

心云去翳膜用之取其意也

日華子云止嘔逆小兒驚悸客忤催生癩瘍白癥風煎汁傳入藥灸用

蟬蛻

心云治同蛇蛻

藥性論云使治小兒渾身壯熱驚癇兼能止渴人云其
蛻殼頭上有一角如冠狀謂之蟬花最佳味甘寒無
毒主小兒天弔驚癇瘈瘲夜啼心悸

白殭蠶

味鹹平 無毒

本草云主小兒驚癇夜啼去三蟲滅黑黧令人面色好
男子陰瘍病女子崩中赤白產後餘痛滅諸瘡癥痕

生潁川平澤四月取自死者勿令中濕濕中有毒不可用

斑蝥

味辛甘 有毒

本草云主寒熱鬼疰蠱毒鼠瘻疥癬惡瘡疽蝕死肌破石癰血積傷人肌墮胎畏巴豆

烏蛇

無毒

本草云主諸風瘙癢疹疥癬皮膚不仁頑痺諸風用之

淮濟本草 卷一
炙入丸散浸酒合膏背有三稜色黑如漆性善不噬
物江東有黑稍蛇能纏物至死亦是其類生商洛山

五靈脂

味甘温 無毒

本草云主療心腹冷氣小兒五疳辟疫治腸風通利氣
豚女子月閉出北地此是寒號蟲糞也

緋帛

液云主惡瘡丁腫毒腫諸瘡有根者作膏用帛如手大
取露蜂房彎頭棘刺爛草節二寸許亂髮燒末作膏

主丁瘡腫又主小兒初生臍未落時腫痛水出燒爲
末細研傅之又五色帛主盜汗拭乾訖棄五道頭仲
景治墜馬及一切筋骨損方中用

湯液本草卷下終

萃 癸

英 論

癡萃

翁英

癍論萃英

江陰朱氏校刊本

元 趙州王好古著

瘡疹標本

昔睦親宮十太尉病瘡疹衆醫治之王曰疹未出屬何

臟腑一醫言胃氣熱一醫言傷寒不退一醫言在母

腹中有毒錢氏曰若言胃氣熱何以乍涼乍熱若言

母腹中有毒屬何藏也醫曰在脾胃錢氏曰旣在脾

胃何以驚悸醫無對錢曰夫胎在腹中月至六七則

已成形食母穢液入兒五藏食至十月滿胃腕中至

生之時口有不潔產母以手拭淨則無疾病俗以黃連汁壓之方下臍糞及涎穢也此亦母之不潔餘氣入兒藏中本先因微寒入而成瘡疹未出五藏皆兒病證內一藏受穢多者乃出瘡疹初欲病時先呵欠頓悶驚悸乍涼乍熱手足冷面腮赤燥欬嗽噴嚏此五藏證俱見呵欠頓悶肝也時發驚悸心也乍涼乍熱手足冷脾也面赤腮頰赤噴嚏肺也惟腎無候以在府下不能食穢故也凡瘡疹乃五藏毒若出歸一證肝水疱肺膿疱心癩脾疹惟腎不食穢毒而無諸

證瘡黑者屬腎由不慎風冷而不飽內虛也又用抱
龍丸數服愈以其別無他候故未發出則見五藏證
已出則歸一藏矣 海藏云本先因微寒入一句并
由不慎風冷而不飽內虛一句勿認作寒證當識用
抱龍丸卽知癍疹多熱也

治小兒壯熱昏睡傷風風熱瘡疹傷食皆相似未能辨
認間服升麻葛根湯惺惺散小柴胡湯甚驗蓋此數
藥通治之不致誤也惟傷食則大便酸臭不消化畏
食或吐宜以藥下之 海藏云傷食宜以藥下之者

當詳其所傷何物生硬寒熱不等不可遽用巴豆之類大毒之藥下之升麻葛根湯太陽陽明也惺惺散風熱咽不利脾不和少陽渴小便不利也小柴胡湯往來寒熱胸脇微痛少陽也然欲知其經當以脉別之

小兒耳冷骭冷手足乍煖乍涼面赤時嗽時噎驚悸此瘡疹欲發也未能辨認間服升麻湯消毒散已發未發皆宜服仍用胡荽酒黃栢膏暑月煩燥食後與白虎湯玉露散熱盛與紫雪咽喉或生瘡與甘桔湯甘

露散餘依錢說大人小兒同治法惟劑小大不同耳

海藏云消毒散太陽藥白虎湯治身熱目疼鼻乾

不得卧陽明藥也正為泄時暑之劑甘露飲子肺腎

藥也甘桔湯少陰藥也紫雪天門冬麥門冬黃芩地

黃為血劑玉露散肺腎藥石膏寒水石為氣劑

升麻葛根湯

方在前保命小兒門內

海藏云太陽陽明之劑

惺惺散治傷寒時氣風熱痰壅欬及氣不和

桔梗

細辛

去葉

人參

甘草

炒

白茯苓去皮

白朮

栝蘘根各一兩

右同為細末每服二錢水一盞入薄荷五葉煎至七

分溫服如要和氣入生薑五片同煎用防風一分用

川芎一分此又一法

海藏云此加減四味亦各隨經證

也

消毒散治瘡疹未出或已出未能勻遍又治一切瘡涼

膈去痰治咽喉痛

牛旁子二兩炒

甘草半兩剉炒

荆芥穗二錢半

右同為麤末每服三錢水一盞半去粗溫服 海藏

云此前數方皆溫平之劑一法加防風薄荷

黃蘗膏治瘡疹已出用此藥塗面次用胡荽酒外治法

黃蘗

一兩

新棗豆

一兩半

甘草

四兩

右同爲細末生油調從耳前至眼匡並厚塗之日三
兩次如早用瘡不至面縱有亦少

胡荽酒

胡荽細切四兩以好酒二盞煎一二沸入胡荽再煎
少時用物合定放冷右每吸一兩口微噴從頂至足
勻遍勿噴頭面病人左右常令有胡荽卽能辟去汗

氣瘡疹出快

四聖散治瘡疹出不快及倒靨

紫草

茸

木通

剉

甘草

剉炒

枳殼

麩炒去穰

右同為麩末每服一錢水一中盞煎至八分温服無時

甘露飲子治心胃熱咽痛口舌生瘡并瘡疹已發未發並可服之又治熱氣上攻牙齦腫齒動搖

生地黃

熟地黃

天門冬

去心

麥門冬

去心

枇杷葉

去毛

枳殼

麩炒去穰

黃芩

去心

石斛

去苗

甘草

剉炒

山茵陳葉

右各等分爲麤末每服二錢水一盞食後溫服牙齒則含嗽并服 海藏云甘露飲爲血劑

瀉青丸

方在保命小兒條下

海藏云東垣先生治瘧後風熱毒翳膜氣暈遮睛以

此劑瀉之大效初覺易治

補肝丸 四物湯內加防風羌活等分爲細末煉蜜爲

丸是也

鎮肝丸治肝虛

瀉青丸去梔子大黃

地黃丸治腎虛解顱卽魁病也治脉毛而虛

熟地黃

八錢

山茱萸

乾山藥

澤瀉

牡丹皮

白茯苓

各四錢

右爲末煉蜜丸如桐子大三歲已下一二丸或三五丸空心溫水下

瀉腎丸治脉洪而實前地黃丸熟地黃改生地黃去山茱萸是也此治左手本部脉若右尺洪實以鳳髓丹瀉之此地黃丸卽仲景八味丸去桂附若加五味子

為腎氣丸此益肺之原以生腎水焉

瀉白散瀉肺脾熱目黃口不吮乳喘嗽

桑白皮

一兩剉炒黃

地骨皮

一兩

甘草

半兩炒

右為細末每服一二錢水一盞入粳米百粒同煎食

後服 易老加黃連

海藏云治肺熱傳骨蒸自汗用此以直瀉之梔子黃

芩亦能瀉肺當以氣血分之

阿膠散補肺

阿膠

一兩半 炒

馬兜蓉

半兩

甘草

炙

黍粘子

炒香

各二錢半

糯米

杏仁七箇去皮尖

右為末每服一二錢水一盞食後

海藏云杏仁本瀉肺非若人參天門冬麥門冬之補

也當以意消息

導赤散泄丙方在保命小兒條下

瀉心湯瀉丁

黃連一兩去鬚

右為極細末每服一字至五分一錢臨卧溫水調下

海藏云易老單瀉心湯加減法出於此乃實邪也實

則泄其子

益黃散補脾

青皮

訶子肉

甘草 各半

陳皮 一兩

丁香 二錢

右為細末每服二錢水一盞煎服 海藏云此劑瀉

脾以燥濕

瀉黃散瀉脾熱目黃口不能吮乳

藿香葉 一錢

山梔子仁 二兩 石膏 半兩

甘草 三兩

防風 四兩

右判同蜜酒微炒香為細末每服一錢至二錢水一

盞煎清汁服 海藏云此劑瀉肺熱

白朮散

藿香葉

白朮

木香

白茯苓

甘草炒

人參各一兩

乾葛二兩

右為末每服一錢至二錢水煎如飲水者多煎與之

海藏云四君子湯加減法治濕勝氣脫泄利大過

生犀湯黃龍湯犀角地黃湯加減法

生犀碾取末二錢

地骨皮

赤芍藥

柴胡

乾葛

剉各一兩

甘草

炙半兩

右爲末每服一二錢水煎

海藏云此少陽陽明相

合也

宣風散

檳榔

二箇

橘皮

甘草

各半兩

牽牛

四兩生熟

用

右爲極細末三二歲蜜湯調下半錢已上一錢食前

海藏云與通膈丸相類上下氣血藥也

通膈丸

大黃

牽牛

木通

各等分

右為細末滴水丸粟粒大每服三五十九丸量虛實加

減

異功散溫中和氣治吐泄思食凡小兒虛冷病先與數

服以正其氣

人參

茯苓

白朮

甘草

陳皮

各等分

右為細末每服二錢水一盞生薑五片棗二枚同煎

海藏云四君子補脾湯加減法

涼驚丸

草龍膽

防風

青黛研各三錢

龍腦一錢

鈎藤末二錢

黃連半兩

牛黃

麝香

右為細末麪糊丸粟米大每服一二十丸金銀湯下

黃耆散治盜汗

牡蠣燒

黃耆

生地黄各等分

右為末水煎

連翹散治一切熱兼治瘡疹有神效

連翹

防風

梔子

甘草

右為末水煎

海藏云治熱在外而不厥此少陽藥也

化毒湯治小兒瘡痘已出未出並可服之

紫草茸

升麻

甘草炙各等分

右咬咀水二盞粳米五十粒同煎此乃陽明之藥也

紫草木通湯治小兒瘡疹

紫草

木通

人參

茯苓

粳米各等分

甘草減半

右為末每服四錢水煎此小便不利之劑也

鼠粘子湯治小兒瘡痘欲出未能得透皮膚熱氣攻咽

喉眼赤心煩

鼠粘子

四兩炒

荆芥穗

二兩

甘草

防風

半兩

右為細末沸湯點服臨卧大利咽喉化痰涎止嗽老幼皆宜 海藏云太陽少陽藥也首論温平者此也 活血散治瘡子或出不快

白芍藥

一錢

右酒調如欲止痛只用温熱水調下

海藏云張和之治四肢出不快加防風大效此正的

太陰藥也

如聖飲子治小兒瘡疹毒攻咽喉腫痛

桔梗

甘草生

牛旁子

炒各一兩麥門冬去心

兩半

右為末竹葉同煎細細服

犀角地黃湯

方在拔萃內脈訣中

潔古老人癩論

論曰癩疹之病其為證各異瘡發焮腫於外者屬少陽三焦相火也謂之癩小紅點行皮膚之中不出者屬

少陽君火也謂之疹凡顯癍證若自吐瀉者慎勿亂治而多吉謂邪氣上下皆出也大凡瘡疹首尾皆不可下恐妄動而變此謂少陽通表宜和之也當先安裏解毒次微發之安裏解毒須安五臟防風湯是也如大便不澁者須微發之藥錢氏方中甚多宜選用之如大便秘宜微利之當歸丸棗變百祥丸是也初知癍疹若使之癍疹併出小兒難禁是以別生他證也首尾不可下者首曰上焦尾曰下焦若能吐利猶不可下也便宜安裏若不吐瀉者先安裏藥三五服

如能食而大便秘結內實者宜疎利之若內虛而利者宜用裏藥末後一服調微發之藥服之大抵安裏之藥多發表之藥少秘則微疎之令邪氣不壅併而能作番次使兒易禁也身温煖者順身凉者逆二者宜多服防風湯和之安裏若大便實祕能飲食而內實宜當歸丸微利之

解毒防風湯

防風一兩

地骨皮

黃芪

芍藥

荆芥

枳殼

黍粘子

各半兩

右爲麤末每服四五錢水煎

當歸丸

當歸半兩

甘草一錢

黃連

大黃名二錢半

右先將當歸燉膏子入藥末三味爲丸漸加服之以利爲度

棗變百祥丸治癩疹大便秘結

紅芽大戟去骨一兩

青州棗去核三十箇

右用水一碗同煎至水盡爲度去大戟不用將棗焙乾可和作劑旋丸從少至多以利爲度

海藏老人癩論

夫癩之爲病皆由子在母腹中時浸漬食母血穢蘊而成毒皆太陰濕土壅滯君相二火之所作也因小兒真氣旣盛正氣又王邪無所容或因天冷或因傷表或因傷裏癩由是而生焉治當何如外者外治內者內治中外皆和其癩自出至於惡寒者發之表大熱者奪之渴者清之大便秘結者下之小便不通者利之驚者安之泄者分之何以執一爲哉大抵傷寒同治最爲高論隨經用藥不可闕也假令五日已裏諸

病與癍疹不能別辨者不可疑作癍疹必須發之但各從其所傷應見治之皆不妨癍出若強發之其變不可勝數矣前人言首尾俱不可下者何也曰首不可下者爲癍未顯於表下則邪氣不得伸越此脉證有表而無裏故禁首不可下也尾不可下者爲癍毒已顯於外內無根蒂大便不實無一切裏證下之則癍氣逆陷故禁尾不可下也有如所言溫煖蓋覆不令通風以其癍未出或身表涼而惡寒或天令寒而惡冷溫煖蓋覆不令通風也癍若已出身熱天暄何

必用蓋覆而不使之通風乎後人執此二句首尾俱不敢下溫煖不合通風不知天令之所加人身之所感致使誤人多矣大抵前人之言隨時應變以其所可者而言之後人不知其變故執常而不移也噫首尾俱不可下者以其始終藏府元無凝滯也若有一切裏證及大便結者安得不下溫煖不使之通風以其發在冬時故如此也若發在夏時則雖未出亦不用於此也癍之用藥大率以脉爲主浮中沉之診平舉按之候察其虛實定其中外則可以萬全矣

未顯癍證所用之藥

外傷升麻湯主之。內傷枳實丸主之。大便栗者
枳朮丸主之。若傷冷者溫之神應丸主之。惡寒
者發之宜防風蒼朮湯。表大熱者奪之此表者通
言三陽也。夫陽盛則氣必上行言奪者治法不令上
行也。渴者清之大渴者白虎湯小渴者涼膈散
大便秘結者下之桃仁承氣湯四順飲子柴胡飲子
選用察其在氣在血。小便不通者利之導赤散八
正散之類當求上下二焦何經而用之驚者安之涼

驚丸重者瀉青丸 泄者分之寒則異功散四君子

湯熱則澤瀉茯苓湯

已顯癰證所用之藥

出不快 化毒湯 出太多 犀角地黃湯 地骨

骨皮鼠粘子湯 咽不利 桔梗甘草鼠粘子湯

煩者 桔梗甘草梔子湯 肺不利 紫草葶甘草

枳殼湯 太陽出不快 荆芥甘草防風湯

陽明出不快 升麻加紫草湯 少陽出不快

連翹防風湯 四肢出不快 防風芍藥甘草湯

瘡疹輕重候

凡未出而發搐者是外感風寒之邪內發心熱之所作也當用茶粉下解毒犀角地黃湯主之一發便密如鍼頭形勢重者合輕其表而涼其內連翹升麻湯若癍已發密重微喘飲水者有熱證用去風藥微下之若出不快清便自調知其表不在裏當微發散升麻葛根湯若青乾黑陷身不大熱大小便澁則是熱在內煎大黃湯下宣風散若身表大熱者表證未罷不可下若癍疹已出見小熱小便不

利當利小便入正散 若已發後有餘毒未散復有
身熱瘡腫之類當用茶粉下解毒丸 瘡疹已出後
有聲音者乃形病氣不病也 瘡疹未出先聲音不
出者乃形不病而氣病也 若瘡疹出而聲音不出
者是形氣俱病也當清其肺氣宜用八風湯并涼膈
散去硝大黃亦可

癩論萃英終